

og Fiskarlagets Servicekontor AS, avd. Vest

Bergen, 26.08.22

Vår ref: 2020/1628
Sakshandsamar: Eirin Kongestøl Espeland

Dykkar ref: 20/109/22/4766/17/RLØ

Samnanger kommune

Samnanger – kommunedelplan for akvakultur i sjø – uttale

Visar til brev av 15.06.22, med vedlegg, frå Samnanger kommune om ovannemnde sak.

Fiskarlaget Vest har sendt saka til Midthordland Fiskarlag.

Fiskarlaget Vest visar til vår uttale av 21.01.21 og peikar igjen på viktigheita av heilheitleg planlegging av sjøområda på tvers av kommunegrenser. Ein finn det uheldig at ein lagar ein kommunedelplan for sjøområda dedikert til akvakultur og ikkje ein generell plan for sjøområda.

Ein visar til vår uttale av 21.01.21 til oppstart og planprogram for same kommunedelplan.

I planomtalen under 4.2.3 *Fiskeriinteresser* står det skrive:

«Kystfiske har påverka utviklinga langs heile norskekysten, både med omsyn til framvekst av store og mindre lokalsamfunn, samt utbygging av infrastruktur. I dag er fiskerinæringa modernisert og det er ei utvikling mot større båtar og nye fiskemetodar.»

Fiskeflåten og fangstmetodar er under utvikling grunna mellom anna effektivisering og krav frå styresmaktene. Samtidig baserer den norske modellen seg på mangfald i fiskeflåten. Miljøvenleg kystfiske med låge drivstoffutgifter skapar store verdiar lokalt og nasjonalt. Kystfiske er med andre ord òg ei framtidsnæring. Utøvinga av yrkesfiske endrar seg ut frå mellom anna etterspurnad etter fisk, miljø og tilgjengelegheit av fisk. Kor yrkesfiskarar er etablert kan òg variere.

Fiskerinæringa er avhengig av god forvaltning av sjøområda. Det er positivt at dei fleste av fiskeområda som er registrert i Fiskeridirektoratet sitt kartverktøy, òg er registrert i plankartet som er til høyring. Samtidig registrerer ein at låssettingsplassane i Aldalen og Steinslandsvika ikkje er registrert i kommunedelplankartet i tråd med Fiskeridirektoratet sitt kartverktøy. Ber om at desse blir registrert.

Fortøyingar, særleg fortøyingsområde H 190-2, må ikkje hindre mogleiken til å bruke fiskeområda i Trengereidfjorden til notfiske og eventuelt slepe fangst inn til låssettingsplass. Det bør stadfestast i føresegnene. I tillegg bør det påpeikast at etablering/endingar ved akvakulturanlegg inkludert fortøyingar må gjerast i dialog med Fiskarlaget Vest.

Ein vil til slutt gjere merksam på at fiskerinæringa er basert på fornybar biologisk produksjon, og er difor avhengig av eit reint og produktivt kyst- og havmiljø mest mogeleg fritt for miljøgifter, framandstoff og legemiddel. Ein har eit stort felles ansvar, både nasjonalt og internasjonalt, for å oppretthalde eit reint og produktivt hav. Det er avgjerande for kvalitet, omdøme og marknadsverdi for norsk sjømat. Det er viktig å førebyggje då det ofte er vanskeleg og dyrt å rydde opp i ettertid. I tillegg er ein avhengig av å ha eigna areal å fiske på.


Med helsing
Fiskarlaget Vest

Britt Sæle Instebø
Dagleg leiar


Eirin Kongestøl Espeland
Rådgjevar

Kopi: Midthordland Fiskarlag
Fiskeridirektoratet region Vest

Brevet er godkjent elektronisk og blir sendt utan handskriven underskrift.



Fiskeridirektoratet sitt kartverktøy



Kommunedelplankart